

**Uunga siunnersuut: Avatangiisit innarlitsaaliorneqarnissaat pillugit Inatsisartut  
inatsisaat nr. xx, xxxx-ip xx-ani 2011-meersoq**  
(Nunamut Namminermut, Pinngortitamut Avatangiisinullu Naalakkersuisoq)

**pillugu**

**Sanaartornermut Avatangiisinullu ataatsimiititaliap**

**ILASSUTITUT ISUMALIUTISSIISUTAA**

**Siunnersuutip pingajussaaneerneqarnerani saqqummiunneqartoq.**

Ataatsimiititaliap suliarinninnerani ilaasortat uku kingullermik peqataapput:

Inatsisartunut ilaasortaq Naaja Nathanielsen, Inuit Ataqtigiit, Siulittaasoq

Inatsisartunut ilaasortaq Storm Ludvigsen, Inuit Ataqtigiit

Inatsisartunut ilaasortaq Andreas Uldum, Demokraatit

Inatsisartunut ilaasortaq Knud Fleischer, Kattusseqatigiit Partiiat

Inatsisartunut ilaasortaq Malik Berthelsen, Siumut

Inatsisartunut ilaasortaq Anders Olsen, Siumut

Inatsisartunut ilaasortaq Jens Immanuelson, Siumut

**Allannguutissatut siunnersuutip Ataatsimiititaliamit suliarineqarnera**

Ulloq 3. november 2011 uuma siunnersuutip aappassaaneerneqarneranut Sanaartornermut Avatangiisinullu ataatsimiititaliap isumaliutissiissuteqarpoq. Ataatsimiititaliap isumaliutissiissummi inassutigaa siunnersuut pingajussaaneerneqannginnerani Ataatsimiititaliamit nutaamik suliarineqartussatut innersuussutigineqassasoq. Tamatumunnga tunngaviuvoq siunnersuummi § 29, imm. 1,36-mut aamma § 49, imm. 4-mut Naalakkersuisut pingajussaaneerneqarneranut allannguutissatut siunnersuummik saqqummiussissasut Ataatsimiititaliamit isumaqatigiittumit kaammattuutigineqarmat.

Ataatsimiititaliap kaammattuutigaa § 29, imm. 1 allanngortinneqassasoq, inuit innarlernissaannut pitsaaliuneq immikkut akuersissuteqartarnermut tamatuma kingorna tunngaviujunnaassasoq, aalajangersakkamilu oqaasertaliussat immikkut ittumik iliuseqartarnermut sammitinneqarnerulissasut.

Ataatsimiititaliattaq § 36-ip allanngortinneqarnissa kissaatigaa, taamaalilluni biilit, umiatsiat qamuteralaallu igiinnakkat akitsorterussinermi kommuninit tuniniarneqartalersinnaanerannik pisinnaatitaanerannik pilersitsisoqassalluni.

Ataatsimiititaliattaq kaammattuutigaa § 49, imm. 4-mut allannguutissatut siunnersuummik Naalackersuisut saqqummiussissasut, taamaalilluni qallunaatut aamma kalaallisut oqaasertat imminnut naapertuutilissallutik.

Ataatsimiititaliap naammagisimaarlugu maluginiarpaa Ataatsimiititaliap kaammattuutai Naalackersuisut malissimagai, kiisalu siunnersuummi § 29, imm. 1,36-mut aamma § 49, imm. 4-mut allannguutissatut siunnersuummik saqqummiussisut. Allannguutissatut siunnersuut 10. november 2011-meersoq uunga isumaliutissiisummut **ilanngussaq 1**-tut ilanngunneqarpoq.

### **Teknikki Pissarsiarineqarsinnaasooq Pitsaanerpaaq pillugu tunngavimmum (BAT-mik tunngavimmum) nassuiaat**

Ataatsimiititaliap sulineranut atugassatut aappasaaneerinerup pingajusaanerinerullu akornanni Teknikki Pissarsiarineqarsinnaasooq Pitsaanerpaaq pillugu tunngavik nassuiaasiarineqassasooq Naalackersuisut aappasaaneerinninnermi akissuteqaatiminni ilimasaaripput. Ulloq 10. november Ataatsimiititaliap nassuiaat tiguaa, nassuiaallu tusaatissatut tigunearpoq. Nassuiaat **ilanngussaq 2**-tut ilanngunneqarpoq, siunnersuummut nassuiaatinut paasinneriaatsinullu ilaammat.

Aallaqqaasiullugu Ataatsimiititaliap oqaatigissavaa Naalackersuisut isumaqatigigamigit Teknikki Pissarsiarineqarsinnaasooq Pitsaanerpaaq pillugu tunngavimusup ersarilluinartumik paasineqarnissaa pingaaruteqartuummat.

Teknikki Pissarsiarineqarsinnaasooq Pitsaanerpaaq pillugu tunngavimmik nassuiaat Ataatsimiititaliap iluarisimaartorujussuuaa, Ataatsimiititaliarlu isumaqarluinnarpoq Teknikki Pissarsiarineqarsinnaasooq Pitsaanerpaaq pillugu atuinnermi uuttueriaatsit oqimaaqatigiissitseriaatsillu nassuiaammi assersuutini sisamani takutinneqartut.

Nassuiaat tassanilu assersuutit takutinneqartut tunngavigalugit Ataatsimiititaliap malugisinnaavaa Teknikki Pissarsiarineqarsinnaasooq Pitsaanerpaaq pillugu tunngavimusup atornerani avatangiisinut mianerinninneq tamatigut pingaarnerpaatinneqartannigisooq, kisiannili pineqartumi iliuserisartakkani oqimaaqatigiissitsisoqartarsimasooq, pissutsinilu aningaasarsiornerup oqimaannerpaanerani, aaqqiinnermi Nunamut namminerumut, Pinngortitamut Avatangiisinullu Naalackersuisoqarfimmit akuerineqartumi suli ilaatigut avatangiisinik innarlitsaaliuinnermut mianerinninneq aallaavigineqarsimasooq.

**Ataatsimiititaliap inassutai**

Ataatsimiititaliaq isumaqatigiittoq Naalakkersuisut allannguutissatut siunnersuutaat akuerineqassasoq **inassuteqarpoq.**

Ataatsimiititaliaq isumaqatigiittoq Naalakkersuisut inatsisissatut siunnersuutaat tamatuma kingorna taamatut isikkoqartillugu akuerineqassasoq **inassuteqarpoq.**

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut pingajussaaniigassanngortippaa.

---

Naaja Nathanielsen,  
Siulittaasoq

---

Malik Berthelsen

---

Storm Ludvigsen

---

Anders Olsen

---

Andreas Uldum

---

Jens Immanuelson

---

Knud Fleischer